



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

Broj: 02-11-3-1075-10/23

Datum: 23.05.2023.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) i Zapisnika o pregledu i ocjeni ponuda od 22.05.2023.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru najpovoljnijeg ponuđača

I

Najpovoljnija ponuda za radove u predmetu "Izgradnja novog objekta JU Centar za socijalni rad Tešanj, III faza" po cijeni bez PDV-a od 203.480,33KM (slovima: dvijestotinetrihiljadečetiristotineosamdeset i 33/100 konvertibilnih maraka) odnosno sa PDV-om u iznosu od 238.071,98KM (slovima: dvijestotinetridesetosamhiljadasedandesetjedna i 98/100 konvertibilnih maraka) je ponuda ponuđača INTER doo Tešanj.

II

Ponuda je dostavljena u otvorenom postupku, koji je objavljen na Portalu javnih nabavki dana 06.04.2023.godine pod brojem: 375-1-3-78-3-51/23, obavještenje o nabavci objavljeno u sl.glasniku BiH broj: 26/23 dana 14.04.2023.godina pod brojem:SI-12594-23 a kriterij za dodjelu ugovora je najniža cijena.

III

Obavezuje se izabrani ponuđač (ukoliko uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Za realizaciju Odluke zadužuju se Služba za društvene djelatnosti i investicije općine Tešanj.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VI

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke za radove "Izgradnja novog objekta JU Centar za socijalni rad Tešanj, III faza" pokrenut je Odlukom o pokretanju postupka broj:02-11-3-1075-2/23 od 04.04.2023.godine. Odabran je otvoreni postupak koji je objavljen na Portalu javnih nabavki dana 06.04.2023.godine pod brojem: 375-1-3-78-3-51/23, obavještenje o nabavci objavljeno u sl.glasniku BiH broj: 26/23 dana 14.04.2023.godina pod brojem:SI-12594-23, procijenjena vrijednost javne nabavke je 213.675,00KM a kriterij za dodjelu ugovora je najniža cijena.

U ostavljenom roku za dostavu ponuda pristige su 2 (dvije) ponude i to:ponuda INTER doo Tešanj i ponuda NIVEX doo Derventa.

Komisija za javne nabavke imenovana rješenjem Općinskog Načelnika broj: 02-11-3-1075-5/23 od 25.04.2023. godine izvršila je dana 09.05.2023.godina javno otvaranje ponuda o čemu je sačinila Zapisnik sa otvaranja ponuda i isti uz Zapisnik o zaprimanju ponuda prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su sve ponude formalno ispravne (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Tačkom 5.1. Tenderske dokumentacije predviđeno je da će se u ovom postupku dodjele ugovora primjenit E-aukcija za ponuđače koji su podnijeli prihvatljive ponude te je ugovorni organ zakazao E-aukcija za dan 22.05.2023.godine od 11:00 sati sa vremenskim trajanjem od 10 (deset) minuta . Iz Izvještaja o toku i završetku E-aukcije od 22.05.2023.godine vidljivo je da ponuđač INTER doo Tešanj zauzima prvo mjesto te je ugovorni organ preuzeo Konačnu listu ponuđača koji su učestvovali u E-aukciji kako slijedi:

1. INTER doo Tešanj
2. NIVEX doo Derventa

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-11-3-1075-9/23 od 22.05.2023.godine), da se u predmetu javne nabavke radova "Izgradnja novog objekta JU Centar za socijalni rad Tešanj, III faza", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za usluge određuje ponuda ponuđača INTER doo Tešanj, odnosno kako je to navedeno u tački I ove Odluke, te da se sa istim zaključiti ugovor u skladu sa ponudom i postignutom cijenom na E-aukciji za radove predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) kao najpovoljniji za usluge "Sanacija javne rasvjete i svijetlećih znakova" izabran je ponuđač INTER doo Tešanj sa cijenom bez PDV-a u iznosu 203.480,33KM (slovima:dvijestotinetrihiljadečetiristotineosamdeset i 33/100 konvertibilnih maraka) odnosno sa PDV-om u iznosu od 238.071,98KM (slovima: dvijestotinetridesetosamhiljadasedandesetjedna i 98/100 konvertibilnih maraka), kako je navedeno u tački I ove Odluke.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14 i 59/22).

DOSTAVLJENO:

1. Ponuđači x2,
2. Služba za društvene djelatnosti i investicije,
3. Web stranica općine Tešanj, elektronski,
4. Predmet.

Handwritten signature



OPĆINSKI NAČELNIK

mr.sci. Suad Huskić